

全唐文

欽定全唐文卷九百四十三目錄

杜光庭 十五

南斗北斗醮詞

龍興觀御容院醮土地詞


中和秦中化龍池醮詞

皇太子爲皇帝生日醮詞

川主大王爲鶴降醮彭女觀詞

天錫觀告封章李二真人醮詞

天錫觀告封章真人詞



封李真人告詞

漢州太尉於仙居醮詞

前嘉州團練使司空王宗玠本命詞

前漢州令公宗夔上元醮詞

趙國太夫人某氏疾厄醮詞

王宗玠宅宏農郡夫人降聖日修大醮詞

洋州令公生日拜章詞

東院司徒孟春甲子醮詞

刁子趙太尉陽平化醮詞

宣醮鶴鳴枯柏再生醮詞

李忠順司徒拜保護章詞

111

欽定全唐文

百四十三

杜光庭

十五

南斗北斗醮詞

伏聞大象既分三靈設位各稟自然之道俱垂不宰之功
無爲則天地長存有用則衰榮易變吉凶悔吝由此而成
於是南極丹篇生名所繫北都黑簡死錄所歸二宮之考
校無私萬化之死生有屬臣夙資善貺獲履昌時沐浴皇
風稟承元化但慮運心動念乖越五常累過積非彰明二
簡五行三命陰陽有刑剋之期暗曜列星遲速有照臨之

數未申祈懺因結災凶敢以吉辰虔修醮禮虛壇夜靜靈
化晨清元念必通眞靈可降伏冀丹臺六聖司命開延永
之符元極七眞大帝除促齡之日憂危自泰年祿更增幽
明同浴於殊恩眷屬咸均於巨福公私貞吉老少乂康即
永荷二宮衆聖罔極之恩不任

龍興觀御容院醮土地詞

伏以瑤闕琳宮星房羽殿森列三清之上宏開八景之中
萬彙之所朝宗羣眞之所遊息於是裁模世域垂象人寰
周穆西歸掖層臺而結宇漢皇南矚遵太乙以疏基由是

仙觀靈墟駢羅海嶽風簷霞棟煥麗煙林爲眞聖之所棲
亦福祥之所萃頃以龍興觀肇基隋運歷載唐年日月既
深凋摧云久是用鼎新營構特懋功庸况越歲時深虞撓
觸爰申醺酌安復龍神所期國泰民和時康俗阜克隆鴻
祚永錫元休不任虔祝之至

中和秦中化龍池醺詞

粵若二氣是分五靈惟龍司造化之機運降升之妙寄神
功於乾象孕元德於坎宮昔我祖明皇巡功蜀甸果聞飛
躍實効禎祥爰俾濬池用資安處今則年光遞易堤址荒

殘草積波痕砂封泉脈應靈未爽肸蠁猶傳每垂霖雨之
恩以濟嗇夫之望眷言故實深用軫懷朕寡德承圖撫時
有寇省方巡俗尚駐坤郊龍其申彼霆威震其風令掃渠
凶於北陸清氛霧於中原克洽理平永臻多福不任

皇太子爲皇帝生日醺詞

臣聞元穹廣覆無勞仰祝之辭碧海周涵亦納涓添之露
敢緣斯旨輒罄明誠某月日是皇帝生日本命甲戌之辰
錫祕記於先天豫昭靈貺湧珍符於厚地潛契明文卜年
開萬葉之榮推策彰百神之助爰申大醺虔俟鴻休集三

元萬聖之祥永北極南山之壽昭明丹懇恭望元恩臣某
不任稽首虔祈激切之至

川主大王爲鶴降醮彭女觀詞

伏以道化無方眞仙有應於恍惚希微之內示元黃變化
之容下盼塵寰以度羣品考諸事跡載彼經圖所以丁令
歸時曾窺丹頂蘇耽降日亦顯霜翎流萬古之美譚標當
年之瑞牒今者忽聞靈鶴棲止雲峰乃元元行化之山是
彭祖昇天之所元壇鬱蒼久無焚薦之蹤林木陰森果致
感通之事實聖朝之上瑞豈藩閩之所招願祈山壽鶴年

以奉龍圖鳳歷遐瞻煙嶠伏切懽愉冀憑奏醮之儀以達
歸依之懇謹差賜紫大德上官知真兵馬使王承琛精誠
香火上告真靈不任歸命虔祝之至

天錫觀告封章李二真人醮詞

伏以稽考前王握圖受命必荷元貺以贊鴻基頃屬海嶽
多虞生靈靡託遂膺推戴奄宅岷嶓四方之琛貢雖來中
土之山川或阻凝懷求理夕惕晝乾砥礪戈矛申嚴號令
佇行弔伐以拯顛危非有尚於佳兵蓋欲靖其多難以茲
軫念倍用焦勞而郡國諸侯頻獻祥瑞鱗介羽毛之品藂

林竹樹之間或挺質稱奇或成文顯跡每加撫讓累抑奏
陳永平二年秋七月於仙居雲山獲古篆銅識乃太上通
天之記是章眞所鑄之文名姓生辰子孫年數重重顯迹
一一合符周公探策之求郭璞撰著之得眞爲天授克驗
神功顧寡昧以多慙豈欽承之敢怠是用創新觀宇別署
嘉名備像設之儀改鎮縣之額齋修金籙醮啟瑤壇雖陳
昭報之誠難答上元之賜章眞人親緘祕字李眞人首鎮
仙山共洽休禎光於郡國須展褒封之禮以旌贊助之功
爰舉彝章式陳歉款今封章宏道爲鑒聖眞人封李八百

爲元應真人謹遣廣成先生金紫光祿大夫左諫議大夫
蔡國公杜光庭精備香燈虔申醮告伏惟闕九清之日闕
降八景之雲輿俯鑒明誠滂流惠渥俾九州六合蕩氛靄
以爲家地久天長混車書而成化式遵元訓永勵丹襟不
任虔祈之至

天錫觀告封章真人詞

惟君名標丹簡天付仙才人間之玉軸珠軒何嘗眄顧物
外之雲棲霞飲自得貞閒早受靈書精窮緯候鉤深索隱
藏往知來鏤銅篆於仙山證金行於蜀國二百餘年緘秘

蹤迹長新五十八字周旋禎祥盡驗顧惟薄德祇奉靈休
雖揆構華居崇嚴塑貌新邑市之額展齋醮之科尚歉素
懷未酬元貺爰申典禮特舉褒崇今封君爲鑒聖真人謹
遣杜某虔啟霜壇恭申昭告鸞輜鶴轡將從文始之遊綠
室瓊幃敘列太元之品真人更垂幽贊常假靈光俾一統
於九圍庶永昌於大業惟勤宵旰以泰生靈謹詞

封李真人告詞

惟君仙李芳枝關雲令緒元邱自誌元非促景之才道骨
眞風本列長生之品振衣世表抗跡雲間厭駒窗電逝之

勞得鼇嶺雲行之趣棲遊蜀國顯晦塵寰三隱靈峰八百
餘歲神丹化石猶存昌利之山拔宅昇天遂表仙居之宇
爰於舊址果獲靈文緘藏久祕於瑤墟出見克符於金運
緬惟涼德祇荷殊休雖繕飾蹤基肅嚴像貌率齋莊而告
謝命羽褐以焚修尚歎素懷未酬元德今則考茲具禮薦
以嘉名想星佩霞裳早昇真位而芝泥露篆願表勤誠循
省冲襟良多醜愧今封君爲元應真人謹遣杜光庭恭設
醮壇虔申昭告冀流元蔭永福皇基開宣室以遐思佇高
真之俯鑒謹詞

漢州太尉於仙居醮詞

宗臣本命同

臣聞至道無爲包萬天而成化元功有作運四象以陶鎔
覆載含宏古今無爽由是三靈克敘五緯循常景福被於
幽明鴻休覃於邦國人天荷賴渥澤遐霑臣夙感靈慈獲
逢昌運累厯殊寵出居符竹之榮頻洽隆恩入奉重難之
寄顧惟虛薄未著勞能省分憂惶兢懷震惕雖傾心戮力
誓酬君父之私懼福過災生或履晦蒙之數竊恐主張戎
伍宰制封疆理民有獄訟之繁奉職有賦輿之廣沮勸有
賞刑之用送迎有宴犒之常殺傷有故誤之憂裁斷有重